

Fula o le fatu oea maea le tuipuipei mo le KOVITI-19: O mea e Tatau ona Iloa e Matua ma Tupulaga Talavou



O le a le uiga o le fula o le fatu?

O le fula o le fatu (ma le fula o afuafu o le fatu) o se tulaga e iloaina ai le fula o vaega i totonu poo vaega o loo siomia ai le fatu. O foliga vaaia e aofia ai le tiga o le fatafata, faigata ona manava, ma le faalogoina ua vave tele le tata o lou fatu. O le malosia faalenatura o le tino e teena ai faamai e masani ona mafua ai lenei tulaga ona o loo tau tetee atu e lou tino i se faamai, e pei o vairusi.

O le fula o le fatu e le taatele ma e seasea maluu ai se isi.

E itiiti ma le 200,000 tagata e maua i le fula o le fatu i Amerika i tausaga taitasi, ma e itiiti ma le 2% o tagata e maliluu ai. E leai se isi ua maluu ona o le fula o le fatu ua faamaonia ua mafua mai le tuipuipei o le KOVITI-19 i Amerika.



- E le pepesi
- O le tele o taimi e le tele se aafiaga pea mauaina
- E le faigata foi le fofo, e taulai i le vaaiga lelei o foliga vaaia o le faamai

O iai se sootaga ma le tuipuipei o le KOVITI-19?

E masalo. O le tulaga e ono tupu pe'a uma le tuipuipei e seasea lava ona vaaia, ae peitai e mafai ona tupu. E mafai foi ona maua le fula o le fatu e latou e lei maua o latou tuipuipei.

Ona e le mafai ona faamatuinoaina e leai se sootaga, ua faatonuina e le komiti mo le saogalemu i le Centers for Disease Control and Prevention (CDC, Ofisa Tutotonu mo le Vaaiga o le Pepesi o Faamai ma le Puipuia mai Faamai) e "masalomia le sootaga" o le fula o le fatu ma le fula o afuafu o le fatu ma tuipuipei o le mRNA KOVITI-19 (o loo gaosia e le Moderna ma le Pfizer-BioNTech).

O a ni mea e vaaia poo ni foliga vaaia e tatau ona ou maitauina pea maea lou tuipuipei?

E tele ona aafia ai tupulaga talavou ma alii e lalo mai le 30 tausaga. E tele ona iloa nei aafiaga pea maea le tui lona lua.

E fautuaina e le CDC o latou ua faatoa uma o latou tuipuipei e saili le fesoasoani faafomai pea latou maitauina nei foliga vaaia pea maea o latou tui puipui, ae maise i le vaiaso muamua ina ua uma o latou tuipuipei:



- Tiga le fatafata
- Faigata ona mānava
- Faalogoina le vave o le tata, le suia o le tata, poo le malosia tele o le tata o le fatu

E laititi lava le avanoa e tupu ai nei mea. Ae peitai, ia saili vave se fesoasoani faafoma'i pe afai e te maitauina nei tulaga.

Manatua, e masani ona iai auga e itiiti pe feoloolo foi, e aofia ai le fiva, tiga o le ulu, vaivai, tiga o sooga o le tino/tiga o le tino, i le vaiaso muamua talu ona faia lou tuipuipei mo le KOVITI-19. O aafiaga nei e masani ona amata i le tolu aso talu ona maua lou tuipuipeia ma e tatau ona toe te'a i nai aso.

O le tuipuipeia e tumau pea o le filifiliga e pito sili ona lelei

O le mea e lelei tele e maua mai le tuipuipei e sili mamao nai loo le tulaga e atonu e tulai mai le fula o le fatu. O le tuipuipei e matuia aoga lelei e puipui mai le oti ma le mai, ma e aofia ai le puipuiga mai i ituaiga faamai fou, e pito sili ona matautia nai loo le ituaiga faamai muamua.